

司馬溫公集

司馬文正公集序

溫公文集十四卷儀封張清恪公撫閬時所刊也後爲楚人某載其板至荆之沙市今夏江右書賈載之來漸趨趙省其明經購獲之剔補其漫漶者復據國史暨蘇氏行狀朱子名臣言行錄輯爲溫公事略列之簡端將摹印以公諸世集首有清恪序序中未詳舊刻原委蘇長公稱公博學無所不通所著文集八十卷他書又二十種茲集所登皆文集之類或全集散佚清恪所得止此抑或擇其精要者重訂授梓將與全帙入十卷並行序云約爲若干卷者蓋由博而約之云爾省其鏤板訖工屬予言爲序予惟溫公德業聲望炳耀今古奚待末學之表述哉惟念幼時家君錄先正格言訓示內有云劉安國問溫公一言可以終身行之者公曰其誠乎問其所從入曰自不妄語始體志嘗佩誦自是出入族黨語未敢妄今讀其遺集見公樸摯以事上寬裕以容衆其形諸章奏書劄者脆切詳明閱深透離極人所難言欲言之隱莫不被肝瀝膽出之惟情之至者其文遂以獨至熙寧之世新法病民忠言蔽塞公不苟利祿退居於洛者十五載田夫野老皆知爲司馬相公至邇道號呼願公勿去朝廷厚自愛以活我洎起而執政期月之間撥亂反治俾天下靡欣欣舞若慶更生上下交孚不疾而速此豈倖致哉蓋誠之所積者厚故其感召者神耳乃知公之教安國者皆其素所自立者矣公在政府開言路請詔舉經明行修之士並立十科取士法理慮旁求廣儲國用可不謂能以人事君者乎惟彼復差役法爲期五日蔡京知開封府獨如約公喜曰使人奉法如君何不可之有厥後紹聖崇寧間以公爲姦黨使禍延播紳毒滿黎庶者皆京爲之倡論者病公不知人愚按京知開封非自公用之京首先如約公僅贊其奉法卒未引京以參大政公於京殆亦有權衡矣夫命世英賢不數觀其餘或賢或否要視上者爲轉移有大賢出羣大中正之模以樹之鵠令懷材抱器者皆得就範圍以自効久之潛移默化不賢者亦從而賢使天假公年久握政柄雖章惇蔡確輩亦當思自新以圖晚蓋矧京姦惡未著惡知不砥礪修飾與范蘇諸君子同保令名以終乃祀政初除哲人其萎匪特爲宋室惜使京等失所則傲僥倖一時遺臭千載是亦

京等之不幸也烏得以京之不幸者爲公病哉是集雖非公全書而蓋思偉論隱括於是省其復汲汲增其專狀俾集中條理皆可按節以尋其意匪獨表章先哲蓋欲使天下之讀其書者知所奮興矣光緒辛巳仲冬射洪後學鍾體志書於金谿權次

司馬溫公文集 序

司馬文正公集序

炎宋之代號稱多才而朱晦翁獨謂溫公治國救世處是甚次第晦翁此言其深得溫公也哉夫當熙寧之世新法病民海內騷擾忠言讜論沮抑不行端人正士擯棄下位聚斂之臣日進而民之倒懸者幾二十年矣方是時溫公退居於洛若將終身而田夫野老皆號爲司馬相公至有遮道號呼願公勿去朝廷此豈易符人望者與公起而爲政毅然身任天下開言路進賢才凡新法之爲民害者漸次務去之出斯民於水火之中而登之衽席之上天下靡欣欣鼓舞有若更生而元祐之治以成識者謂公有旋乾轉坤之力豈不信哉顧嘗論之人臣當屢進屢退之際不無懷疑顧忌之思公歷事四世或在朝或外出而勤勤款款於章奏之間切切惻惻於卿大夫往來之際祇此憂國憂民不避艱險未嘗以中外少異席可卷石可轉金可鑠玉可磨而公之精誠不可奪夫是以卒能悟主救弊補偏以次第而成功也余讀其遺集而竊有感矣夫人生天地間須有此濟世救時反敗爲成大手段庶幾不與草木同腐以公之嘉謀嘉猷昔有成效君天下者得之可以整治亂而隆景運爲人臣者得之可以歷常變而勵匪躬士庶人得之亦可以寡其過而保其身公之被當年者只一時而公之垂萬世者且更無窮也因爲重梓其集約爲若干卷以公於世仰其人景其功慨然而興是所望於尚友之士也夫

康熙四十八年己丑仲夏儀封後學張伯行書於榕城之光光堂

參校受業姓氏

陳正朔牧亭	晉江	鄭開子明	莆田
鄭亦鄒居仲	海澄	余祖訓田生	南平
徐恕正齋	臨清	薛士璣仲箕	福清
吳瑞焉家真	福安	史大範子嘯	晉江
范士麟衡持	商丘	施松齡青侯	古田
陳藻臣作梅	閩縣	林縉子紳	閩縣
張文男峴王	侯官	鄭祖頊帝賓	光澤
蔡世遠聞之	漳浦	黎致遠寧先	長江
張福永次脩	南靖	李丹桂月階	晉江
張福昶季長	南靖	方矩良炳	侯官
陳仁子容	閩縣	翁葉峻維幾	福清
林中桂永繼	閩縣	蔡其默絨三	福清
祝欽宸戴參	福清	胡慥思若	閩縣
楊振綱明憲	古田	陳兆蕃茂衍	晉江
何維嶽禮宗	晉江	劉鶴略渭三	尤溪
蔡衍鏡宮聞	漳浦	陳紹廉尙友	羅源
周九華其運	晉江	林起渭伊仲	永福
張煒彤伯	侯官	林正泰章厚	侯官
葉日燦藻卿	閩縣	陳舜任爾光	侯官
陳嘉璧以安	福清	鄭三才廷瓚	侯官
劉兆基開周	閩縣	趙洵又蘇	閩縣
廖鳳閣長傳	侯官	嚴夢雨伯任	長樂
蔡鑒同溪	漳浦	黃裳坤五	建寧
卓如松特峙	莆田	李榮芳桂馨	建寧
陳夢林少林	漳浦	林元之又俯	莆田

張如蕙時百	海澄	張萬年進玉	侯官
蔡微溫叔玉	漳浦	黃衍元度	邵武
藍鼎元玉霖	漳浦	吳振蛟屠三	南安
閔一達希上	晉江	余祖蔭仲槐	南平
蔡鳴珂唐里	漳浦	李載詠聲遠	晉江
耿繡彝用中	太康	連青柳邨	建寧
趙孟煥幼和	龍溪	汪奇猷嘉仲	平和
徐文燦衣雲	建陽	吳濂元一	福清
李光燠廣卿	晉江	李光型儀卿	安溪
柳璿荆石	壽寧	陳瀾蕭雨	連江
黃際庭聞	莆田	原敬元功	撫州
吳光珠亦什	福安	張可定維求	寧化
郭人麟家瑞	福清	林正青殊雲	侯官
蔣苞則九	福州	張夢芳岐伯	順昌
李松齡麟蒼	漳浦	郭元疊慶伯	南靖
陳漢廣生	閩縣	吳諒朋爾錫	惠安
原徵麟天石	撫州	周永祈聲	永春
陳石鍾非蘊	晉江	張朝剛明毅	建安
徐章貞南史	興化	王天樞君實	莆田

司馬溫公文集目錄

卷之一 表

為龐相公謝明堂禮成轉官表

為文相公謝賜神道碑文表

為文相公求退第二表

為龐相公讓官表

為龐相公再讓宰相表

為文相公許州謝上表

進交趾獻奇獸賦表

進瞻彼南山詩表

進古文孝經指解表

進通志表

謝賜資治通鑑序表

知承興軍謝上表

還表

謝提舉崇福宮表

進資治通鑑表

謝宣諭表

謝門下侍郎表

上皇帝謝賜生日禮物表

上太皇太后謝賜生日禮物表

上皇帝辭免正議大夫表

上太皇太后辭免正議大夫表

上皇帝謝轉正議大夫表

上太皇太后謝轉正議大夫表

謝起居減拜表

奏彈王安石表

謝賜銀絹表

卷之二 章奏

為孫太博乞免廣南轉運判官狀

論張堯佐除宣徽使狀

論夏竦辭狀

論夏竦辭第二狀

請建儲副或進用宗室第一狀

請建儲副或進用宗室第三狀

論屈野河西修堡第二狀

論麥允言給國簿狀

乞罷州第一狀

乞罷州第二狀

乞罷州第三狀

辭修起居注第一狀

辭修起居注第二狀

辭修起居注第三狀

辭修起居注第四狀

辭修起居注第五狀

日食過陰雲不見乞不稱賀狀

陳三德上殿劄子

官御臣上殿劄子

論赦及疎決狀

薦鄧綬庭劄子

薦劉應劄子

卷之三 章奏

論舉選狀
論移張叔鷹知蔡州不當狀
進五拔狀
保業 惜時 遠謀 重微 務實
論勸農上殿劄子
論燕飲狀
論兩府選官狀
論夜開宮門狀
乞建儲上殿劄子
乞建儲上殿第二劄子
論臣寮上殿屏人劄子
論制策等第狀
論蘇安靜狀
論公主宅內臣狀
論以公使酒食遺人刑名狀
論諸科試官狀
論上元令婦人相撲狀
論正家上殿劄子
乞優老上殿劄子
言張田第二狀
論李瑋知衛州狀
辭知制誥狀
辭知制誥第二狀
辭知制誥第三狀
辭知制誥第四狀

辭知制誥第五狀
辭知制誥第六狀
辭知制誥第七狀
辭知制誥第八狀
辭知制誥第九狀
除待制舉官自代狀
上殿謝官劄子
卷之四 章奏
論寺額劄子
言王達劄子
言王達第二劄子
論赦劄子
言陳烈劄子
上皇帝疏
言山陵擇地劄子
乞令皇子伴讀官提舉皇子左右人劄子
上兩宮疏
論進賀表恩澤劄子
乞簡省細務不必盡駭聖覽上殿劄子
乞裁決機務上殿劄子
言醫官劄子
言醫官第二劄子
乞撤去福寧殿前尼女劄子
言遺奠劄子
論虞祭劄子
論虞祭第二劄子

乞放宮人劄子

上皇太后疏

上皇帝疏

乞開講筵劄子

言程戡劄子

言後宮等級劄子

乞延訪羣臣上殿劄子

乞延訪羣臣第二劄子

乞延訪羣臣第三劄子

言奉養上殿劄子

言奉養上殿第二劄子

言奉養上殿第三劄子

言奉養上殿第四劄子

賈院定奪科場不用詩賦狀

乞車駕早出祈雨劄子

乞今後有犯惡逆不令長官自劾劄子

乞延訪羣臣第四劄子

言永昭陵建寺劄子

卷之五 章奏

言兩府還官劄子

乞罷修感慈塔劄子

言爲治所先上殿劄子

上皇太后疏

陳治要上殿劄子

言任守忠第二劄子

言任守忠第三劄子

賈院乞逐路取人狀

乞陳尚書劄子

言除盜劄子

言備邊劄子

言蓄積劄子

言舉官上殿劄子

乞罷陝西義勇第二上殿劄子

乞罷陝西義勇第三劄子

乞罷陝西義勇第四劄子

乞罷陝西義勇第五上殿劄子

乞降黜第一狀

乞降黜第五狀

言西邊上殿劄子

卷之六 章奏

上皇帝疏

乞令朝臣轉對劄子

言濮王典禮劄子

留呂誨等劄子

乞與傅堯俞等同責降上殿劄子

乞責降第二劄子

乞責降第三劄子

乞責降第四劄子

初除中丞上殿劄子

乞御殿劄子

乞訪四方雨水劄子

乞簡省舉御史條約上殿劄子

言王廣淵劄子

言高居簡第四劄子

言高居簡第五上殿劄子

言賑贖流民劄子

言施行封事上殿劄子

言王中正劄子

言王中正第二劄子

言王中正第三劄子

議貢舉狀

論風俗劄子

上體要疏

卷之七 章奏

再乞資蔭人試經義劄子

辭樞密副使第二劄子

乞罷修例司常平使疏

請自擇臺諫劄子

奏爲乞不將米折青苗錢狀

應詔言朝政闕失狀

薦范祖禹狀

再乞西京留臺狀

乞開言路劄子

進修心治國之要劄子

乞去新法之病民傷國者疏

乞開言路狀

請更張新法劄子

乞改求諫詔書劄子

辭門下侍郎第二劄子

與呂公著同舉程頤劄子

卷之八 章奏

進孝經指解劄子

辭轉官劄子

辭轉官第二劄子

辭轉官第三劄子

辭轉官第四劄子

辭轉官第五劄子

辭放正謝劄子

辭放正謝第二劄子

隨乞宮觀表辭位劄子

辭位第二劄子

乞令校定資治通鑑所寫稽古錄劄子

論賑濟劄子

辭接續支俸劄子

舉張舜民等充館閣劄子

辭三日一至都堂劄子

辭入對小殿劄子

乞進呈文字劄子

乞進呈文字第二劄子

乞進呈文字第三劄子

乞官劉恕一子劄子

乞以十科舉士劄子

起請科場劄子

乞罷保甲招置長名弓手劄子

乞先行經明行修科劄子

所舉孫準有罪自劄劄子

所舉孫準有罪自劄第二劄子

後殿常起居乞拜劄子

辭大禮使劄子

論監司守資格任舉主劄子

薦王大臨劄子

乞官陳洙一子劄子

進呈上官均奏乞尙書省事類分輕重某事關尙書某事關二丞某事關

僕射白劄子

卷之九 書啓

謝檢討啓

謝校勘啓

又謝龐參政啓

上宋侍讀書

與薛子立秀才書

上龐樞密論貝州事宜書

回狀元第二第三先輩書

答謝公儀書

與范景仁書

與李子儀書

答聞喜馬寺丞中庸書

與東阿張主簿書

與范景仁書

答范景仁書

答陳秘校充書

與夏秘丞衡書

答劉太博忱書

上始平龐相公述不受知制誥書

答劉賢良蒙書

卷之十 書啓

答周同年源書

答孔司戸文仲書

與王介甫書

與王介甫第二書

與王介甫第三書

上許州吳給事書

答胙城郭大丞書

與范堯夫經略龍圖書

與范堯夫經略龍圖第二書

答河陽李夷白秘校書

答齊州司法張秘校正彥書

答張砥先生書

答陳監簿師仲書

答李大卿孝基書

與吳丞相充書

答蔣中舍深之書

與王樂道書

答新知磁州陳大夫辦古書

答武功石令飛卿書

與呂晦叔簡

與呂晦叔第二簡

答彭寂朝議書

答程伯淳書

三省咨目

卷之十一 序 祭文

百官表總序

顏太初雜文序

呂獻可章奏集序

并州學規後序

張共字大成序

諸兄子字序

序聘禮

送同年郎景微歸會稽榮觀序

送李揆之序

送李子儀序

送孟朝宰宜君序

送丁浦江序

送胡完夫序

送通山令郝巖序

送李公明序

諸廟祈雪文

祭黃石公文

諸廟祈雨文

諸廟謝雨文

卷之十二 賦 詩 頌 贊

稷下賦

贈邵興宗

送崔尉之官巢縣

奉同范景仁宋次道太常致齋韓廷詒維見過闌人不時內轉去乃知爲

詩謝之

送守哲歸廬山

晉康陳生庸家世以孝悌聞有異木連理生其庭郡欲旌表其門不果王

禹玉爲之求詩於朝之士大夫以紀之

初見白髮慨然感懷

夜坐

八月十七日夜省直紀事呈同舍

獨樂園詠

讀書堂 釣魚菴 採藥園

和森之美二貧詩

和之美難澤官舍詩

西齋 題廳壁 縣樓 柳 向城路

超然臺詩寄子瞻學士

今古路行

示道人

酬張三十秀才見贈

迢遙呈欽之堯夫

戲呈堯夫

復用三公燕輿韻酬子駿堯夫

和堯夫見寄

送人爲閩宰

送蘇屯田知單州

和趙子與龍州吏隱堂

和泚公真率會詩

送致仕朱郎中令孫

享祀下第作詩示之

夷齊

效趙學士體成口號獻開府太師

顏樂亭頌

河間獻王贊

卷之十三 論議記傳跋

功名論

十哲論

四豪論

管仲論

荀息論

廉頗論

致知在格物論

葬論

李僕射論文恭議

錢中令謚宣靖議

妙蹟堂記

獨樂園記

范景仁傳

團人傳

書孫之翰墓誌後

卷之十四 史刻 迂書

孔子

蕭何營未央宮

迂書序

遷迂

辨庸

士則

無怪

事親

事神

寬猛

學要

文器

求用

負恩

羨厭

無爲贊

諱有

斥莊

兼容

指過

司馬溫公事略

公名光字君實其先河內人晉安平獻王季之後王之裔孫征東大將軍陽始
葬陝州夏縣陳水鄉子孫因家焉自高祖曾祖皆以五代衰亂不仕祖炫知耀
州富平縣事父池充天章閣待制公生七歲凜然如成人七歲聞讀左氏春秋
愛之退爲家人讀即了其大指自是手不釋書至不知饑渴寒暑兒戲於庭
一兒登樓沒水中衆皆棄去公持石破瓊水迸出兒得活其後京洛間盡以爲
圖年十五書無所不通文辭醇深有西漢風登進士年甫冠性不喜華靡聞喜
宴獨不戴花同列語之曰君賜不可逭也乃簪一花除奉禮郎以天章公在杭
蘇所還官求簽判蘇州以便養丁內外艱執喪累年毀瘠如禮服除累遷集賢
校理從應縣辟通判并州麟州憲野河西多良田夏人蠶食其地爲河東患籍
命公按視公建議二堡以制夏人募民耕之耕者衆則糴賤亦可漸紓河東貴
糴遠輸之憂籍從其策而麟將郭恩勇且狂引兵夜渡河不設備沒於敵籍得
罪去公三上書自引咎不報籍歿公升堂拜其妻如母撫其子如昆弟時人賢
之改開封府推官交趾貢異獸謂之麟公言真偽不可知使其真非自至不可
爲瑞若僞爲遠異笑願厚賜其使而還其獸判禮部有司奏六月朔日當食故
事食不滿分或京師不見皆表賀公言四方見京師不見此人君爲陰邪所蔽
天下皆知而朝廷獨不知其爲災當益甚不當賀詔從之後遂以爲常初至和
三年仁宗始不豫國嗣未立天下均憂心而莫敢言惟諫官范鎮首發其議公
時爲并州通判聞而繼之上疏言禮大宗無子則小宗爲之後者爲之子也願
陛下擇宗室賢者使攝儲貳以待皇嗣之生退居藩服不然則典宿衛尹京邑
亦足以繫天下望疏三上一留中二付中書及知諫院入對首言臣昔通判并
州所上三章願陛下果斷力行帝沈思久之曰得非欲選宗室爲繼嗣者乎此
忠臣之言但人不敢及耳公對曰臣言此自謂必死不意陛下開納帝曰此何
害古今皆有之公退未聞命復上疏曰臣向者進說意謂即行今寂無所聞此
必有小人言陛下鼎威何遠爲此小人無遠慮特欲倉卒之際援立其所厚等
者耳定策國老門生天子之禍可勝言哉帝大感悟曰送中書公至中書見韓

琦等曰諸公不及今定議異日禁中夜半出寸紙以某人爲嗣則天下莫敢違
琦等皆唯唯曰敢不盡力未幾詔英宗判宗正辭不就明年立爲皇太子又稱
疾不入公復上疏言皇子辭不贊之重至於旬月其贊於人遠矣有識聞之足
以知陛下之聖能爲天下得人然父召無諸君命召不俟駕願以子臣大義責
之宜必入英宗遂受命及即位以哀廢得疾慈聖光獻后同聽政公疏曰昔章
獻明肅太后有保佑先帝之功特以親用外戚小人貪謗海內今攝政之際大
臣忠厚如王曾清純如張知白剛正如魯宗道賢直如薛奎者當信用之復鄭
如馬季良譴詔如羅崇勳者當疎遠之則天下服帝疾愈公以帝必當追隆所
生因奏言漢宣帝爲孝昭後終不追尊衛太子史皇孫光武起布衣得天下自
以爲後元帝亦不追尊鉅鹿都尉南頓君此萬世法也王廣淵除直集賢院公
言廣淵姦邪不可近昔漢景帝爲太子召上左右飲衛綰獨稱疾不行及即位
待綰有加周世宗鎮澶淵張美爲三司吏掌州之錢谷世宗私有求假美遽力
應之及即位薄其爲人不用今廣淵當仁宗之世私自結於陛下豈忠臣哉願
黜之以厲天下執政建言機安懿王德威位隆宜有尊禮詔太常禮院與兩制
議翰林學士王珪等相顧不敢先公獨奮筆書曰爲人後者爲之子不敢復顧
其私親今日所以崇奉機安懿王典禮宜一準先朝封贈期親尊屬故事尊爲
皇伯高官大爵極其尊榮議成上之與大臣意殊御史呂誨傳奏俞範純仁呂
大防趙鼎趙鼎等皆爭之相繼降黜公乞留之不可遂請與俱貶治平二年京
師大水詔求直言公上疏論三事皆盡言無所隱諱帝嘉納之神宗即位擢爲
翰林學士公力辭帝曰古之君子或文而不學或學而不文惟董仲舒揚雄兼
之卿有文學何辭爲對曰臣不能爲四六帝曰如兩漢制詔可也且卿能舉進
士取高第而云不能四六何也竟不復辭遷御史中丞疏論脩心之要三曰仁
曰明曰武論治國之要三曰官人曰信實曰必罰且言臣獲事三朝皆以此言
獻平生力學所得盡在是矣又進五規曰保業情時遠謀重微務實常患歷代
史繁人主不能遍覽遂爲通志八卷以獻英宗悅之命置局秘閣續成其書至
是帝重之以爲賢於荀悅漢紀名之曰資治通鑑自爲製序俾日進讀西戎部

將鬼名山欲以橫山之衆取諒祚以降詔邊臣招納其衆公極論不可以爲名山之衆未必能制諒祚幸而勝之滅一諒祚生一諒祚何利之有若其不勝必引衆歸我不知何以待之臣恐朝廷不獨失信諒祚又將失信於名山矣若名山餘衆尚多遺北不可入南不受窮無所歸必將突據邊城以救其命陛下不見侯景之事乎上不聽遣將神賜發兵迎之取絳州費六十萬萬西方用兵蓋自是始執政以河朔卑傷國用不足乞今歲南郊兩府勿賜金帛公曰救災節用宜自貴近始可聽也王安石曰常哀辭賜饌時議以爲哀自知不能當辭位不當辭祿且國用不足以未得善理財者耳公曰善理財者不過隨會箕穀爾安石曰不然善理財者不加賦而國用足公曰天下安有此理天地所生財貨百物止有此數不在民則在官彼設法奪民其害乃甚於加賦此蓋桑宏羊欺武帝之言太史公書之以見其不明耳爭議不已帝曰朕意與光同然姑以不允答之安石始爲政創立制置三司條例司建爲青苗助役水利均輸之政置提舉官四十餘員行其法於天下謂之新法公上疏迎陳其利害曰後當如是行之十餘年無一不如公言者安石厲呂惠卿爲太子中允崇政殿說書公諫曰惠卿儉巧非佳士使安石負榜中外者皆其所爲安石賢而懷不閑世務惠卿爲之謀主而安石力行之故天下並指爲姦邪近者進擢不次大不厭衆心帝曰惠卿進對明辯亦似美才對曰惠卿誠文學辯捷然用心不正願陛下徐察之江充李訓若無才何以動人主帝默然公又貽書安石曰詔謁之士於公今日誠有順適之快一旦失勢將必賣公自售矣安石不悅公於還英閣進讀至曹參代蕭何事帝曰漢常守蕭何之法不變可乎對曰寧獨漢也使三代之君常守禹湯文武之法雖至今存可也漢武用張湯言取高帝法紛更之盜賊半天下元帝改孝宣之政漢業遂衰由此言之祖宗之法不可變也惠卿進講言先王之法有一年一變者正月始和布法象魏是也有五年一變者巡狩考制度是也有三十年一變者刑罰世輕世重是也光言非是帝問公公曰布法象魏布舊法也諸侯變禮易樂者王巡狩則誅之不自變也刑新國用輕典亂國用重典是爲世輕世重非變也且治天下譬如居室敝則修之非大壞不更

造也三司使掌天下財不才而黜可也不可使執政便其事今爲制置三司條例司何也宰相以道佐人主安用條例苟用則一胥吏足矣今爲看詳中書條例司何也惠卿不能對乃以他語詔公帝曰相與論是非耳何至是公又言青苗之弊曰平民舉錢出惠卿能蠶食下戶況縣官督責之威乎惠卿曰青苗法願取則與之不願不強也公曰愚民知取債之利不知還債之害非獨縣官不強富民亦不強也昔太宗平河東立和糴法時米斗十餘錢民樂與官爲市後物貴而和糴不解遂爲河東世患臣恐異日之青苗猶河東之和糴也帝曰坐倉糴米何如公曰京師有七年之儲而錢常乏若坐倉錢益乏米益陳奈何惠卿曰坐倉得米百萬斛則省東南百萬之漕以其錢供京師何患無錢公曰東南錢荒而米復賤今不糴米而漕錢棄其有餘取其所無農末皆病矣侍講吳紳曰光言至論也公曰此皆細事不足煩人主但當擇人而任之有功則賞有罪則罰此陛下事也帝曰然他日留對帝曰今天下洶洶孫叔敖所謂國之有是衆之所惡也公曰然陛下當論其是非今條例司所爲獨安石韓絳惠卿以爲是耳陛下豈能獨與此三人共爲天下耶陳升之爲相帝謂公外議若何公曰升之誠有才智但恐不能臨大節耳因論及臺諫公曰臺諫天下耳目陛下當自擇人今言執政長短者皆斥逐之盡易以執政之黨臣恐聰明將有所蔽蒙也帝曰諫官難得卿更爲朕舉其人公退而舉蘇軾王元規趙彥若等韓琦上疏論青苗之害帝感悟欲罷其法安石臥家不起帝乃拜光樞密副使公辭曰陛下所以用臣蓋察其狂直庶有補於國家若徒以祿位榮之而不取其言是以天官私非其人也臣使以祿位自榮而無所裨益是盜竊名器以私其身也陛下誠能罷制置條例司追還提舉官不行青苗助役等法雖不用臣臣受賜多矣今言青苗之害者不過言使者騷動州縣爲今日患耳臣之所憂乃在十年之外非今日也夫出錢貸民而數其息富者不願取使者以多散爲功一切抑配又恐其通貸必令貧富相保貧者無可償則散而之四方富者不能去必責使代償數家之貧春算秋計展轉日滋貧者既盡富者亦貧十年之外

百姓無復存者矣又盡散常平錢谷專行青苗他日富室既盡常平已廢加之
以師旅因之以饑饉民之羸者委死溝壑壯者聚而爲盜賊此舉之必至者也
抗辭至七八帝使謂曰樞密兵事也官各有職不當以他事爲辭對曰臣未授
命則猶侍從于事無不可言者安石起視事公遂求去乃以端明殿學士知丞
興軍本路宣撫令分義勇戍邊選諸軍驍勇及市井選少爲奇兵編民造乾糲
修城池樓櫓關輔驍然公一切不從而上言公私困敝不可舉事永興一路皆
內郡繕治非急若乏軍興臣當任其事於是是一路獨得免從知許州不赴乞判
西京留司御史臺不報公疏曰臣之不才最出羣臣下先見不如呂晦公宜不
如范純仁程顥敢言不如蘇軾孔文仲勇決不如范鎮今陛下惟安石是信附
之者謂之忠夏攻之者謂之讒臣今日所言陛下下之所謂讒者也若臣罪
與范鎮同即乞依鎮例致仕若罪重於鎮或竄或誅所不敢逃久之乃從其請
既歸洛自是絕口不論事熙寧七年天下旱蝗詔求直言公讀詔泣下乃復上
陳其尤病民者凡六事請先罷之一青苗二免役三市易四邊事五保甲六水
利又以書責宰相吳充曰天子聖明如此而公不言何也帝書謂蒲宗孟曰如
可無過帝感疾既安語宰相曰來春建儲以司馬光呂公著爲師保其知之深
如此公歸十五年天下望其爲相田夫野老皆知爲司馬相公婦人孺子亦知
其爲君實也神宗崩赴闕臨衛士望見皆以手加額曰此司馬相公也所至民
避道聚觀馬不得行曰公無歸洛留相天子活百姓哲宗幼神太皇太后臨殿
遣使問所當先公言近歲士大夫以言爲謹聞閭閻愁苦于下而上不之知明主
憂勤於上而下無所訴其罪在羣臣而愚民無知歸怨先帝宜下詔言開言路
從之而大臣有不欲者于詔中設六事曰若陰有所懷犯非其分或扇搖機事
之重或迎合已行之令上以觀望朝廷之意以俾倖希進下以眩惑流俗之情
以干取虛譽若此者罰無赦太皇太后封詔草以問公公曰此非求諫乃拒諫
也人臣惟不言言則入六事矣讀詔書從之于是四方吏民言新法不便者
以千數公方草具所當行者而太后已令散遣條京城邇奉罷減皇城內視者

止御前工作出近侍之無狀者三千餘人戒飭中外無敢苛刻暴戾廢導洛司
物貨場及民間戶馬寬保馬限皆中出大臣不與公上疏謝詔除公知陳州
過關留爲門下侍郎公力辭不許數賜手詔先帝漸棄天下天子冲幼此何時
而君辭位耶公不敢復辭是時民日引領以觀新政而議者猶謂三年無改於
父之道公曰先帝之法其善者雖百世不可變也若安石惠卿所建爲天下害
者改之當如救焚拯溺猶恐不及況太皇太后以母改子非子改父衆議乃定
遂罷保甲團教依法廢市易法所儲物皆鬻之不取息除民所欠錢京東鐵錢
錢河北江西福建湖南鹽及福建茶法皆復其舊戶部錢谷皆領之尚書三司
使事有散隸五曹及寺監者皆歸戶部使尚書周知其數置入以爲出或謂公
曰熙豐舊臣多儉巧小人他日有以父子義聞上則禍作矣公正色曰天若祚
社稷必無此事請立經明行修科歲舉升朝官各舉所知以勸勵天下使教士
行以示不專取文學之意若所舉人違犯名教必坐舉主無赦又以人才難兼
長若專引知識則嫌於私若循資序未必皆才奏立德行文學吏事武略等十
科侍從以上每歲于十科舉三人中書置籍記之有事須材執政按籍視其所
舉科隨事試之有勞又書之籍內外官闕取書試有效者隨科授職所賜告命
仍具所舉官姓名其人任官無狀坐其舉主元祐元年拜尚書左僕射時公已
得疾而青苗免役將官之法猶在西戎之議未決公數曰四患未除吾死不瞑
目矣折簡與呂公著曰光以身付醫以家事付子惟國事未有所託今以屬
公乃論免役五害請降敕罷之諸將兵皆隸州縣軍政委守令通決廢提舉常
平司以其事歸之轉運提點刑獄邊計以和戎爲便謂監司多新進少年務爲
刻急令近臣于郡守中選舉而于通判中舉轉運判官皆從之詔免朝謁許乘
肩輿三日一入省公不敢當曰不見君不可以視事詔令子康扶入對且曰毋
拜遂罷青苗錢復常平糴糴法兩宮虛己以聽公自見言行計從欲以身殉社
稷躬親庶務不舍晝夜賓客見其體羸舉諸葛亮食少事煩以爲戒公曰死生
命也爲之益力病革諱諱如夢中語皆朝廷天下事也是年九月卒年六十八
太皇太后聞之慟與帝即臨其喪贈太師溫國公諡戶部侍郎趙鼎內侍馮宗

遺孀喪歸葬禮文正賜碑曰忠清粹德京師人罷市往弔需衣以致奠巷哭以過車及葬送者如哭私親嶺南封州父老亦相率具祭都中四方皆畫像以祀飲食必祝公孝友忠信恭儉正直居處有法動作有禮自少至老語未嘗妄自言吾無過人者但平生所爲未嘗有不可告人者耳誠心自然天下敬信陝洛間皆化其德有不善曰君實得無知之乎于財利紛華淡然無所嗜博學無所不通音樂律曆天文書數皆極其妙晚尤好禮爲冠婚喪祭法酌古今之宜不喜釋老曰其微言不能出吾書其誕吾不信不事生產買第洛中僅蔽風雨有田三頃喪妻賣田以葬惡衣菲食以終其身與兄旦友愛尤篤旦年將八十公奉之如父母保之如嬰兒初赴闕時蘇軾自登州還緣道人相聚號呼曰寄謝司馬相公毋去朝廷厚自愛以活我遠夏使至必問公起居勸其邊吏曰中國相司馬矣毋輕生事開邊陳紹聖初御史周秩首論公輕謗先帝盡廢其法蔡京童惲請殺冢斷棺帝不許乃令奪贈諡卹所立碑追貶崖州司戶參軍徽宗時蔡京擅政獲黨人碑以公爲首令郡國皆刻石長安石工安民當鑄字辭曰民愚人固不知立碑之意但如司馬相公者海內稱其正直今謂之姦邪民不忍刻也府官怒欲加罪泣曰被役不敢辭乞免鑄安民二字于石末恐得罪於後世聞者愧之靖康元年還贈諡公之修實治通鑑以劉攽劉恕祖禹等爲屬官十九年方成合三百五十四卷文集八十卷他著述二十種其文如金玉谷帛藥石必有適於用無益之文未嘗一語及之云